

Dah vaaregommes krodthgoebperh Sveerjesne!



- Aellieh goebperh tjöönghkh mej seamma haemie mah dah daennie biävneshplaeresne!
- Vaeltieh ajve goebperh mejtie amma damta!
- Aellieh smååhkh! Aaj kroedthgoebperh maehtieh njaelkies mæjstedh!
- Baajh ajve almetjh giej maahtoeh goebperi bÿjre goebperidie reejnedh!
- Orrestahteme goebperegärja skååffh!



Röd flugsvamp

Amanita muscaria

Gajpe 10–25 cm. Gajpen gellielaaketje klaerieh, dovne stinkes rööpseste pliejhkies viskesröopese. Treblieh leah veelkes. Maadtegen tjjelkes gievlie jih vuelie-bielie lea gÿsse. Boeltine jih leevegh-skååjjine sjädda.



Brun flugsvamp

Amanita muscaria var. regalis

Dihthe provneste viskesprovnese gajpe lea 10–20 cm jih veelkesviskes trebliejgumie. Maadtegen tjjelkes gievlie jih gÿssege vuelie-biele. Leevegh-skååjjine sjädda.



Panterflugsvamp

Amanita pantherina

Gajpe 5–12 cm jih joekehts provne klaeriejgumie. Treblieh leah veelkes, maadtegen gievlie maahta muvhtine gaarvanidh. Maadtegen vuelie-bielie lea gÿsse. Boeltine jih sâafoe-sijjine siejhme, muvhtene aaj leevegh-skååjjine.

Daaj golme slaaji leah gajph trebliejgumie. Mohte treblieh maehtieh loevenidh jih abpe jallh paarhte gaarvenidh.

Maab krodth kråahpese darjoeh jih symptomh destie

Gaajhkide daaj goebperidie krodth mij kråahpen nervesystemem biejestieh. Maahata ovren sjidtedh, åejjie-jurresne, båasarimmesne, ij rikti vuerkesne sjidtedh jih krampfh åadtjodh. Muvhtene aaj goglenassh bâetieh jih aalka voeksedidh.

Guktie jijnjebe goebperi bÿjre lierehtalledh?

- Voejhkelh goebperekuvjsese jallh åikonetuvrese meatan. Ööhpedimmiesiebrieh jih siebrieh gååvnesieh mah dagkerh öörniah.
- Buerie gâetiesäjroeh: www.svampkonsulent.se • www.svampguiden.com

112 Ringkh 112 jis aakute tsiekhie krodthine sjidteme jih vaejhtieh Krodthbiävnesem (Giftinformation), biejjie jallh jijje. Ringkh 010-456 6700 jis ij leah fuehpie • www.gic.se



Vit flugsvamp

Amanita virosa

Abpe goebpere lea veelkes. Gajpe 5-12 cm. Maadtegisnie gievlie, bene dihte muvhtene gaarvene. Noerh flugsvamph utnieh seamma haemie goh munnie. Maadtegen gissege vuelie-bielie, mij daamhtah lea guhkies vuelnie sapmeren sisnie. Vit flugsvampe sapmeres leevegh-skåajjine jih bokemoerh-skåajjine sjådta.

Maam krodth kråahpese darjoeh jih symptomh destie

Krodth måeksiem irhkieh. Symptomh jis krodttijste skiemtjijidh leah njeerpes skovrese, goglenassh jih voeksedidh mah aelkieh gellie teajmoeh männgan goebperidie byöpmedamme. Älvas vaahra iskeres skaara måaksan. Maahta sealadidh jis krodttijste skiemtjijidh.



Lömsk flugsvamp

Amanita phalloides

Gajpe 5-12 cm. Maadtegen gellielaaketje klaerieh, mahte eevre veelkes, ovmesse kruana, jallh kraevvies jih tjoevkeprovne. Plaerieh leah veelkes. Maadtegen sielkes gievlie, mij muvhtene gaarvanamme. Maadtegen vuelie-bielie lea gisse. Lömsk flugsvampe boeltine, pleentemeskåajjine (lasth- jih leevegh-moerh ektine sjådtieh) jih ientine gusnie bokemoerh, eike jih hasselemoerh sjådtieh

Maam krodth kråahpese darjoeh jih symptomh destie

Seamma krodth ätna goh vit flugsvamp. Seamma symptomh jih seamma vaarege. Vuertesjh bijjene!



Toppig giftspindling

Cortinarius rubellus (C. speciosissimus)

Gajpe 4-8 cm. Abpe goebpere lea ruhtjehkijste veelkesprovnesse. Gajpe daamhtah snuhtjie, bene ij iktegisth. Sapmeres leevegh-skåajjine jih bokemoerhskåajjine sjådta. Orangebrun giftspindlinge plieriehke slaaje mesnie seamma krodth. Boeltine gusnie eike, bokemoerh jih hasselemoerh sjådta.

Maam krodth kråahpese darjoe jih symptomh destie

Krodth skaara tjiermide darjoeh jih maehtieh dejtie eevre eerjedh. Easka gellie biejjieh männgan krodth kråahpen sijse bæteme symptomh bætieh ahte skiemtje destie sjidteme. Dah maehtieh årrodh stuerebe gajhkelasse, åedtjie-vearhka, jijnjebe jallh vaenebe gadtjedh. Dihte gie krodttijste skiemtje sjidteme maahta guhkies tijje doekoe dialysehoksoem daarpesjidh jih kanne aaj tjierme-transplantasjovne.



Stenmurkla

Gyromitra esculenta

Stenmurkla jeatja goebperedåehkese sjeahta. Gajpe 4-12 cm, jorpehke jih marhtjele. Juelkien gellielaaketje klaerieh, joekehts tjoevkeskraevvie, provne jallh fijolett. Stenmurkla gijrege sjådta Voerhtjen raajeste goske säekien lasth behtsiedamme, daamhtah skåajjegeajnoen mietie, roehtse-stoemhpi bealesne jih slaameldh-dajvine.

Maam krodth kråahpese darjoeh jih symptomh destie

Krodth nervesystemem naskohtieh jih maehtieh skaara måaksan jih vïrrekråahpide darjodh. Symptomh ahte krodttijste skiemtje sjidteme leah ovren sjidtedh, guektien-gïerth vœjnedh jih dæriesmoerh utnedh tjjelkes soptsetidh. Aaj goglenassh jih tjåajjeste maehtieh bætiedh.



Giftinformationscentralen

SWEDISH POISONS INFORMATION CENTRE